

thu es in einen Mörser / laß verpuffen /  
dann reib es wider mit zwölf loth Sal-  
peter / vnd zwey loth Salmiac / reib es vns-  
tereinander / vnd schmelz es in einem  
Tiegel / dann reib es klein / vnd extrahier  
seine röhte mit einem Wasser auß / biß kei-  
ner röhte mehr geben wil / die terra thue  
hinweg / die röhte coagulier ein / so hastu  
ein roth Pulver / ohn gefehr bey sieben  
loth / das Pulver thu in ein beschlagen  
gläsern Retorten / vnd geuß vier loth O-  
lei Mercurii dar auff / vnd sechs loth O-  
lei Salis, lege den Retorten in ein Ofen /  
wie die gewonheit ist / vnd ein Vorlager  
dar für / gib jm erstlich gelinde Fehr / dan  
stärcker / biß die Retort braun glühet / so  
steiget die röhte Antimonii mit her über /  
darvon ziehe die phlegma in Balneo  
biß auff die Dliet.

Oleum Antimonii zu allen  
Sachen sehr nützlich.

Nim zerstoßen Antimonium, schmelz  
jn in einem Tiegel / vnd wirff dar auff  
gebrandtē Weinstein / rühre es wol vmb /  
mit einem holz vntereinander / dan wirff

Si iij

bald